

आकाशवाणी

- प्रधानमंत्री नरेंद्र मोदी होरें नमीं दिल्ली च अर्थ शास्त्रिएं कन्नै बजट थमां पैहले आहली चर्चा कीती।
- प्रधानमंत्री मोदी होर साबका प्रधानमंत्री अटल बिहारी बाजपेयी हुंदी 100मीं जयंती पर मध्य प्रदेश च मुख् विकास प्रोजैक्टें दा कल उद्घाटन करडन।
- केंद्री मंत्री अमित शाह होरें NCRB कन्नै 3 नमें अपराधिक कनूनें गी लागू करने बारै समीक्षा बैठक दी अध्यक्षता कीती।
- राश्ट्रीय उपभोक्ता दिवस दे मौके पर केंद्री मंत्री प्रहलाद जोशी होरें जागो ग्राहक जागो ऐप, जागृति ऐप ते जागृति डैशबोर्ड वर्चुअल ढंगै च शुरू कीता।
- महिला क्रिकेट च भारत नै दुए इक रोजा अंतरराश्ट्रीय मैच च वेस्ट इंडीज गी जित्त लेई 359 रन्जें दा लक्ष्य दित्ता।
- भारतीय मौसम विभाग नै पेशगोई कीती ऐ जे हिमाचल प्रदेश, जम्मू-कश्मीर, लद्दाख समेत उत्तरी भारत च कल तगर सीत दा प्रकोप जारी रौह्ग।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

**PM-Economist**

प्रधानमंत्री नरेंद्र मोदी होरें अज्ज नमीं दिल्ली च मन्ने-परमन्ने दे अर्थ शास्त्रियें कन्नै बजट कोला पैहलें सलाह मिश्वरे च हिस्सा लैता। केंद्री खजाना मंत्री निर्मला सीतारमण, नीति आयोग दे सीईओ बी.वी आर सुब्रह्मण्यम ते होर कई वरिष्ठ अधिकारियें इस बैठक च हिस्सा लैता। केंद्री बजट 2025-26 आस्तै बजट शा पैहले सलाह मिश्वरा इस म्हीने दी 6 तरीक गी शुरू होआ हा। खजाना मंत्री सीतारमण होरें बक्ख-बक्ख राज्यें दे खजाना मंत्रियें, करसान संघें, अर्थ शास्त्रियें ते लोकें भलेआं लौहके ते दरम्याने उद्यमियें कन्नै सलाह कीती ही। केंद्री खजाना मंत्री होर औने आहली 1 फरवरी गी लोकसभा च 2025-26 दा बजट पेश करी सकदियां न।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

**PM- MP Visit**

साबका प्रधानमंत्री अटल बिहारी बाजपेयी हुंदी 100मीं जयंती दे मौके पर प्रधानमंत्री नरेंद्र मोदी कल मध्य प्रदेश जांगन। ओह खुजराहो च बक्ख-बक्ख विकास प्रोजैक्टें दा उद्घाटन कीता ते केइयें दी बुनियाद रक्खडन। प्रधानमंत्री केन बेतवा लिंक राश्ट्रीय परियोजनां दी बुनियाद रक्खंगन। एह देसा दी पैहली नदी जोड़ो परियोजना ऐ। एहदे नै मध्य प्रदेश ते उत्तर प्रदेश दे बक्ख-बक्ख जिलें च सिंचाई दी सुविधा थ्होग जेदे नै लक्खें करसान परोआरें गी फायदा पुज्जोग। इस प्रोजेक्ट कन्नै इलाके दे लोकें गी पीने आहले पानी दी सुविधा बी हासल होग।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

## VP-Visit

उपराष्ट्रपति जगदीप धनखड़ कल थमां तेलंगाना दे हैदराबाद ते मेडक दी दऊं रोजा जात्तरा पर रौहंगन। अपने दौरें दौरान श्री धनखड़ तेलंगाना च भारतीय कृषि अनुसंधान परिषद, कृषि अनुसंधान परिषद, कृषि विज्ञान केंद्र, तुनुकी च प्राकृतिक ते जैविक करसानें सरबंधी सम्मेलन च बतौर मुख परौहने शामिल होंगन।

<><><><><><><><>

## ONOE

एक राष्ट्र एक चुनाव कन्नै सरबन्धत दो विधेयकें पर संयुक्त संसदीय समिति दी पैहली बैठक अगले महीने दी 8 तरीक गी होग। 39 सदस्यीय समिति च लोकसभा दे 27 ते राज्यसभा दे 12 सदस्य शामिल न। समिति अगले संसद सत्र दे अखीरी सप्ताह दे पैहले ध्याड़े अपनी रिपोर्ट सौंपग। समिति च भाजपा नेता पी.पी चौधरी, अनुराग ठाकुर ते पुरुषोत्तम भाई रूपाला, कांग्रेस नेता प्रियंका गांधी ते मनीश तिवारी, तृणमूल कांग्रेस दे कल्याण बनर्जी, एन.सी.पी परद पवार दी सुप्रिया सुले ते लोकसभा दे कई होर सदस्य शामिल न। राज्यसभा च भाजपा दे घनश्याम तिवारी, भुवनेश्वर कलिता ते के. लक्ष्मण, कांग्रेस दे रणदीप सिंह सुरजेवाला ते मुकुल बालकृष्ण वासनिक ते जेडीयू दे संजय कुमार झा ते वाई.एस.आर कांग्रेस दे वी. विजयसराई रेड्डी ते होर संसदीय समित दे सदस्य न। इनें विधेयकें गी आधिकारिकत तौरा पर संविधान विधेयक 2024 ते केंद्र शासित प्रदेश कनून संशोधन विधेयक 2024 ना दित्ता गेआ ऐ।

<><><><><><><><>

## HM-NCRB

केंद्री गृह मंत्री अमित शाह होरें अज्ज नमीं दिल्ली च राष्ट्रीय अपराध रिकार्ड ब्यूरो ते त्रऊं नमें आपराधिक कनूनें गी लागू करने पर इक समीक्षा बैठक दी प्रधानता कीती। बैठक दे दौरान अमित शाह होरें NCRB गी अंतर संचालन योग्य न्यास प्रणाली (ICJS) 2.0 च नमें आपराधिक कनूनें गी पूरी चाल्ली लागू करने दी सुविधा प्रदान करने आस्तै आखेआ। गृह मंत्री होरें एहू बी आखेआ जे पीड़ितें ते शिकायतकर्ताएं गी फायदा पुजाने आस्तै मामले दे पंजीकरण शा लेइयै निपटारे तकर सब्बनें अपराधिक मामलें आस्तै पैहले शा निर्धारित चरणें ते समें-सीमा पर अलर्ट जारी कीता जाना लोड़चदा ऐ। उनें राज्यें च ई-एविडेंस ते ई-सम्मनें जनेहू अनुप्रयोगें दे इस्तेमाल पर बी जोर पाया।

<><><><><><><><>

## HM Uttra Khand

केंद्री गृह मंत्री अमित शाह होरें अज्ज नमीं दिल्ली च उत्तराखंड च त्रै नमें अपराधिक कनूनें दा अमलावरी पर समीक्षा दे बक्ख-बक्ख पेहलुएं बारै जानकारी हासल कीती। बैइक च उत्तराखंड दे मुखमंत्री पुष्कर सिंह धामी, गृह सचिव गोविंद मोहन, उत्तराखंडछ दिआं मुख सचिव राधा रतूडी ते वरिष्ठ अधिकारी मौजूद हे। मीडिया कन्नै गल्लबात दौरान मुखमंत्री पुष्कर सिंह धामी हारें आखेआ जे जुलाई 2024 थमां देसा च नमें कनून लागू होई चुके न ते उत्तराखंड सरकार इनें कनूनें गी लागू करने लेई तेजी कन्नै कम्म करा रदी ऐ।

मिजोरम कल दे भव्य क्रिसमस उत्सव लेई तैयार ऐ। मुख-मुख थाहरें, कस्बे ते ग्राएं गी यीशु मसीह दे जन्म दा स्वागत करने आस्तै सजाया गेदा ऐ। क्रिसमस पूरे रियासत च दो दिनें लेई मनाया जंदा ऐ, जित्थें इस मौके दे महत्व गी चिन्हित करने लेई दूए दिन

सामुदायिक दावत दा आयोजन कीता जंदा ऐ। मिजोरम अपने जीवंत क्रिसमस आस्तै मशहूर ऐ, जित्थें धार्मिक भक्ति ते परंपरागत उत्साह दा अपना इक अनोखा मिश्रण ऐ।

<><><><><><><><>

### National-Consumer Day

राष्ट्रीय उपभोक्ता दिवस दे मौके पर केंद्री उपभोक्ता मामलें दे मंत्री प्रहलाद जोशी होरें अज्ज वर्चुअल तौरा कन्नै ई-कामर्स प्लेटफार्में उपपर गलत तरीके कन्नै लोकें गी बरगलाने कोला बचाने दे उद्देश्य कन्नै कई पैहलें दी शुरूआत कीती। इंदे च उपभोक्ताएं दी हिफाजत आस्ते जागो ग्राहक जागो ऐप, जागृति ऐप ते जागृति डैशबोर्ड शामिल ना। अपने स्नेह च प्रहलाद जोशी होरें उपभोक्ताएं दे अधिकारें दी सुरक्षा ते सशक्तिकरण दी सरकार दी बचनबद्धता गी दोहराया। उनें आखेआ जे सरकार इक सुरक्षित, पारदर्शी ते भरोसेमंद बजार थाहर प्रदान करने आस्तै समर्पित ऐ। मंत्री होरें जोर देइयै आखेआ जे छड़ा इक्क मजबूत उपभोक्ता गै इक मजबूत राष्ट्र दी नीह रक्खी सकदा ऐ।

<><><><><><><><>

### Cent Govt. Grants

केंद्र सरकार नै ग्राएं पिंडें दे विकास आस्तै उत्तर प्रदेश ते आंध्र प्रदेश आस्तै 15में वित्त आयोग दे दो ज्हार करोड़ रपे थमां बद्द अनुदान जारी कीता ऐ। पंचायती राज मंत्रालय नै आखेआ ऐ जे उत्तर प्रदेश आस्तै 1 ज्हार 598 करोड़ रपे शा बद्द ते आंध्र प्रदेश आस्तै 446 करोड़ रपे थमां बद्द अनुदान जारी कीता गेआ ऐ। अनुदान दा उपयोग पंचायती राज संस्थाएं ते ग्रामीण स्थानीय निकायें आसेआ स्थान विशिष्ट जरूरतें गी पूरा करने लेई इस्तेमाल कीता जाग। मंत्रालय नै आखेआ ऐ जे सरकार ग्रामीण स्थानीय शासन दे परिदृश्य गी बदलने लेई पंचायती राज संस्थाएं ते ग्रामीण स्थानीय निकायें गी सिद्धे अनुदान देआ रदी ऐ।

<><><><><><><><>

### Cricket

महिला क्रिकेट च भारत नै बडोदरा दे कोटाम्बी स्टेडियम च 3 मैचें दी आई.सी.सी चैंपियनशिप श्रृंखला दे दुए इक रोजा मैच च वेस्टइंडीज आस्तै 359 रन्जें दा लक्ष्य दित्ता ऐ। पैहले बल्लेबाजी करदे होई भारत नै तयशुदा 50 ओवरें च 5 विकेटां मुहाइयै 358 रन्ज बनाए। हरलीन देओल नै 115 रन्जें दे शानदार सैकड़े कन्नै भारतीय पारी दी अगुवाई कीती ते एहदे मगरा प्रतीक रावल होरें 76 रन्जें दी पारी खेड्डी।

<><><><><><><><>

### Women Under-19 World Cup

भारतीय क्रिकेट कंट्रोल बोर्ड (बीसीसीआई) नै 2025 अंडर 19 टी-20 विश्व कप आस्तै 15 सदस्यीय भारतीय महिला क्रिकेट टीम दी घोषणा कीती ऐ। निकी प्रसाद टीम दी कप्तानी करंगन। सानिका चालके गी उप-कप्तान बनाया गेआ ऐ। कमलिनी गी ते भाविका अहिरे गी बतौर विकेट कीपर टीम च शामिल कीता गेआ ऐ। जी त्रिशा, ईश्वरी अवसरे, मिथिला विनोद, जोशीता वीजे, सोनम यादव, परूनिका सिसोदिया, केसरी द्विथी, आयुषी शुक्ला, आनंदिता किशोर, एम.डी शबनम ते वैश्वनी एस गी टीम च शामिल कीता गेआ ऐ।

आईसीसी महिला अंडर 19 टी-20 विश्व कप 18 जनवरी गी मलेशिया दे कुआलालंपुर च शुरू होग।

<><><><><><>

### **IMD**

भारतीय मोसम विभाग नै हिमाचल प्रदेश, जम्मू-कश्मीर, लद्दाख, पंजाब, हरियाणा ते चंडीगढ़ च कल्लै तगर सीत लैहर दा प्रकोप दी भविष्यवाणी कीती ऐ। भारती मौसम विभाग नै अगले 2 दिनें दौरान रातीं ते बड्डलै दे समे च हिमाचल प्रदेश, पंजाब, हरियाणा, चंडीगढ़, दिल्ली, उप हिमालयन पच्छिम बंगाल, बिहार, असम, मेघालय, नागालैंड, मणिपुर, मिजोरम ते त्रिपुरा उप्पर घने कोहरे आहली स्थिति बने रोहने दी पेशगोई कीती ऐ।

<><><><><><>